


দরসে দাওয়াহ্ হিন্দুইজম্- পর্ব-২



আজ কিছু দেবদেবীদের পরিচয় সম্পর্কে জানবো..

দূর্গা



কালী

কার্তিক

গণেশ

লক্ষী

সরস্বতী

শ্রী দুর্গা

ঈশ্বরের শক্তিরূপের প্রকাশ শ্রী শ্রী দুর্গা। দুর্গা দুর্গতি নাশেরও দেবী। শ্রী দুর্গার গায়ের রং আতশী ফুলের মত। পূর্ণিমার চাদের মত সুন্দর তার মুখমন্ডল। তার তিনটি চোখ, একটি চোখ কপালের মাঝখানে, এজন্য দুর্গাকে ত্রিনয়নী বলা হয়। দেবীর দশটি হাত বিধায় তার নাম দশভুজা, যুদ্ধে দেবী প্রথমে দুর্গম নামক এক অসুরকে বধ করেছিলেন। এছাড়া মহিষাসুর ও অসুর কুলের ছোট বড় অসংখ্য অসুর বধ হয়েছিল তার হাতে। স্বর্গের সমস্ত দেবতাদের সমন্বিত শক্তির মিলিত রূপ হচ্ছে শ্রী দুর্গা। ঈশ্বরের মাতৃরূপেরও প্রকাশ দুর্গার মধ্যে, তাই মর্তের লোকেরা মাতৃরূপেই তার পূজা বেশী করে থাকে। দুর্গাপূজা বছরে দুইবার হয়ে থাকে। শরৎ কালের দুর্গাপূজাকে শারদীয় দুর্গাপূজা বলে। আর বসন্ত কালের দুর্গাপূজাকে বাসন্তী দুর্গাপূজা বলে। কৃষ্ণবাসী রামায়ন থেকে জানা যায় শরৎকালে আশ্বিন মাসের শুক্লা সপ্তমীতে ত্রেতা যুগের অবতার শ্রীরাম চন্দ্র সীতা দেবীকে উদ্ধারের জন্য তার অভিষ্ট পুরনের লক্ষ্মে দুর্গাপূজা করেন। আমাদের দেশের হিন্দু সমাজ শারদীয় দুর্গা উৎসবই সাড়ম্বরের সহিত করে থাকে। দুর্গা পূজাই হিন্দুদের সবচেয়ে বৃহৎ উৎসব। এ পূজায় শুধু দুর্গাকে নয় তার সাথে লক্ষ্মী, সরস্বতী, কার্তিক, গণেশ ও অসুর সহ নবপত্রিকার (নয় প্রকার, পাতা- কলা, কচু, ধান, হলুদ, ডালিম, বেল, অশোক, জয়ন্তী, মানকচু) পূজা হয়ে থাকে।

শ্রী দুর্গা নামে নাম করণ

মহিষাসুর নামে এক দানব রাজ তপস্যার মাধ্যমে ব্রহ্মার সন্তুষ্টিতে তার কাছ থেকে পুরুষের হাতে অমরত্বের বর লাভ করে। এই অমরত্বের বর পেয়ে দৈত্যরাজ দিক বিজয়ী বীরের বেশে স্বর্গ রাজ্যে প্রবেশ করে সেখান থেকে দেবতাগণকে বিতারণ করে ভিটে মাটি ছাড়া করেন। স্বর্গহারা দেবতারা নিরুপায় ও অসহায় অবস্থায় বিষ্ণুর স্বরণাপন্ন হয়। ভগবান বিষ্ণুর নির্দেশে সকল দেবতাদের শক্তিকে একত্র করে এক দেবীর সৃষ্টি করা হয়। শক্তিরূপ বলে তাকে শক্তিদেবী এবং দশের শক্তির সমন্বয় বলে তার দশ হাত। দশ হাত বিশিষ্টা অস্ত্রে সজ্জিতা শক্তির দেবী দৈত্যরাজ মহিষাসুরের সংগে যুদ্ধে লিপ্ত হয়ে মুহূর্তে তাকে বধ করে ফেলে। এত বড় দৈত্যরাজ কে হত্যা করায় তাকে মহিষমর্দিনী উপাধি দেয়া হয়। আর এমনিভাবে তিনি দুর্গম নামক এক অসুরকে বধ করায় তাকে দুর্গা নামে আখ্যায়িত করা হয়।

শ্রী কালী

ঈশ্বর শক্তির বহিঃপ্রকাশ মাতৃরূপী দেবীর দুইটি রূপ রয়েছে। একটি হচ্ছে শান্তরূপী যাকে দূর্গা এবং অপরটি হচ্ছে ভয়ংকর সংহাররূপী কালী। কালী সম্পর্কে পুরাণের বিভিন্ন খণ্ডে ও তন্ত্রে বহু তথ্য রয়েছে। কালীর বর্ণনা মোটামুটি এরূপ, চতুর্ভূজা, করাল বদনা, মেঘ কৃষ্ণবর্ণা মুণ্ডুমালিনী, মুণ্ডু সমূহ থেকে নিঃসৃত রক্ত ধারায় রঞ্জিতা, ত্রিনয়না, শিব বক্ষোপরি দণ্ডায়মানা। তার চার হাতের মাঝে ডান হস্তদ্বয়ে আছে খটাঙ্গ (খাটের পায়া) ও চন্দ্রহাস (খড়্গ বা তরবারী বিশেষ) এবং বাম হস্ত দ্বয়ে থাকে বর্ম ও পাশ (প্রাচীন যুদ্ধাস্ত্র বিশেষ) আর পরিধানে থাকে বস্ত্রচর্ম। কালী পূজার অনেক বিশেষত্ব রয়েছে। দূর্গা, লক্ষ্মী, সরস্বতী, কার্তিক, বিশ্বকর্মার পূজা নির্দিষ্ট দিনে হয় এবং এসব দেব-দেবীর পূজা একবার হলেও শ্রী শ্রী কালী পূজা বছরের বিভিন্ন সময়ে এমন কি হিন্দু সমাজের ঘরে ঘরে হয়ে থাকে।

(বিশ্ব ধর্ম পরিচিতি পৃঃ১৮৮, হিন্দু ধর্ম কথা পৃঃ৪৯)

কার্তিক

কার্তিককে বলা হয় শক্তির সৌন্দর্যের প্রতীক। তিনি দেবতাদের সেনাপতি। যুদ্ধেই তার আসল পরিচয়। গায়ের রং মা দূর্গার মত। দেখতে তিনি খুব সুন্দর। চিরযৌবন ও ধনুর্বাণধারী। ময়ূর তার বাহন। গ্রামে কার্তিক মাসের শেষের দিকে বেশ আনন্দ ঘন পরিবেশে কার্তিক পূজা হয়ে থাকে। কার্তিকের জন্ম সপ্তম্বে নানা কাহিনী পুরানাদিতে আছে। ১৮পুরাণের মধ্যে সর্ববৃহৎ পুরাণ ঋগ্বেদ পুরাণ যা কার্তিকের নামের সাথে জড়িত। ব্রহ্ম বৈবর্ত পুরাণেও কার্তিকের জন্ম কাহিনী বর্ণিত আছে। কার্তিকের জন্ম! তারক নামে এক দুর্ধষ অসুর দেবগণ কে পরাজিত করে স্বর্গরাজ্য দখল করে। দেবগণ স্বর্গচ্যুত হয়ে দিশেহারা, কোন ভাবেই স্বর্গরাজ্য উদ্ধারের উপায় করতে পারলেননা। সন্ধান করতে লাগলেন একজন উপযুক্ত সেনাপতির। যিনি তারকাসুরকে যুদ্ধে পরাজিত করে স্বর্গরাজ্য উদ্ধার করে দিতে পারেন। একজন অমিতভূজ বিক্রমী, অশ্রান্ত সমর কুশল সেনাপতির আবির্ভাবের ক্ষেত্র প্রস্তুতের জন্য শিব পার্বতীর বিবাহ হলো। এ বিবাহের ফলে তারকাসুর বিজয়ী কার্তিকের জন্ম হয়। কার্তিক ক্ষাত্রবিষ্যের প্রতীক, স্বাধীনতা সাধনার মূর্ত বিগ্রহ। বালক ও যুবকগণের আদর্শ এবং যুব শক্তির প্রতিমূর্তি কার্তিক। তিনি দেশ, জাতি, সমাজ ও রাষ্ট্রের গুরুভার বহনকারী নেতা। যুবকদের আদর্শ দেব-সেনাপতি হলো কার্তিক। দেবগণ যে গুরু দায়িত্ব তার উপর দিয়ে ছিলেন তার পূর্ণ সফলতা এনে দিয়েছিলেন শ্রী শ্রী কার্তিক।

গণেশ

গণেশকে বলা হয় সিদ্ধি (সাফল্য) দাতা। কোন কাজে সফলতার জন্য লাগে তার আশীর্বাদ। তাকে দেখতে খর্বাকৃতির, (বেটে) ত্রিনয়ন, (তিন চক্ষু বিশিষ্ট) হস্তি মস্তক, (হাতির মাথা) চতুর্ভূজ, (চার হাত বিশিষ্ট) বড় পেট বিশিষ্ট গয়ের রং লাল। হাতে আছে শঙ্খ, চক্র, গদা, পদ্ম। তার বাহন ইদুর। ব্যবসায়ীগণ গণেশ পূজা বেশী করে থাকেন। কেননা তিনি খুশি হলে তাদের বৈষয়িক উন্নতি হয়। গণেশ পূজায় বিদ্যার্থীর বিদ্যা, ধনার্থীর ধন, পুত্রার্থীর পুত্র এবং মোক্ষার্থীর পরম গতি লাভ হয়। গণেশ হচ্ছে মহাভারতের লিপিকার বা লেখক। বিশ্বাস করা হয় গণেশই হচ্ছে প্রথম “সট্” লিপিকার বা দ্রুত লিখন পদ্ধতির প্রবর্তক। মহর্ষি ব্যাসদেব মহাভারত লেখার প্রস্তুতি নিলেন। ব্যাসদেব খোঁজতে ছিলেন দক্ষ শ্রুত লিপিকার কোথায় পাওয়া যায়, যিনি নির্ভুল ভাবে দ্রুত লিখে যেতে পারেন। ব্রহ্মা শুনে বল্লেন-তুমি গণেশের মতামত নাও, তাকে বলে দেখ। গণেশ গদা, চক্রধারী হলেও লেখনী চালনায়ও দক্ষ। গণেশ ব্যাসদেবের কথায় সম্মত হলেন। তবে শর্ত দিলেন যে, লেখায় কোন বিরাম হতে পারবে না। ব্যাসদেবও কম চালাক নন, তিনি বল্লেন বেশ তাই হবে। তবে আমারও শর্ত রইল-আমার বলা শ্লোকে অর্থ সম্মক না বুঝে তুমি লিখতে পারবে না। গণেশ শর্ত মেনে নিলেন। এই ভাবে ব্যাসদেব গণেশের মাধ্যমে মহাভারত লিখার কাজ সম্পন্ন করেন।

লক্ষী

হিন্দু বিশ্বাস মতে লক্ষী দেবী:- ঈশ্বরের ঐশ্বর্য গুণের প্রতীক। কল্পনা করা হয় ধন-ভান্ডারের সমৃদ্ধি ও ঐশ্বর্যের দেবী অর্থে লক্ষী নাম পাওয়া যায়। পৌরানিক যুগে লক্ষী নানা ভাবে বর্ণিত ও বন্দিত হয়েছে। কখনো তিনি বিষ্ণু শক্তি লক্ষী রূপে অর্থাৎ বিষ্ণু স্ত্রী রূপে বর্ণিত হয়েছে। লক্ষী দেবীর রূপ বৈচিত্র সম্পর্কে পর্যালোচনা করলে দেখা যায় যে, তিনি কখনো দ্বিভূজা, কখনো চতুর্ভূজা। তবে লক্ষী সর্বত্রই পদ্মাসনা ও পদ্মহস্তা; প্রভাত সূর্যের ন্যায় তার জ্যোতি। তিনি বিভিন্ন অলঙ্কারে অলঙ্কৃত এবং তার বাহন হচ্ছে পেঁচা। দূর্গা পূজার পর পূর্ণিমা তিথি লক্ষী পূজার জন্য অতি উত্তম সময়। এরাতে দেবী মর্তবাসীর দ্বারে দ্বারে আশীর্বাদ নিয়েজান। যিনি এরাতে না ঘুমিয়ে দেবীর ধ্যান-আরাধনায় মগ্ন থাকেন, তিনিই তার অনুগ্রহ লাভ করেন বলে বিশ্বাস করা হয়। আর ভক্তরা বিনিদ্রিত থেকে লক্ষীর পূজা করে বলে একে বলা হয় কোজাগরী পূর্ণিমা বা কোজাগরী লক্ষী পূজা। আশ্বিনী পূর্ণিমা ছাড়াও কেউ কেউ প্রতি বৃহস্পতিবার লক্ষীর বিশেষ পূজা করে থাকে। সরাই, ঘটে বা মূর্তিতে লক্ষীর পূজা করা হয়। এ পূজা সর্বজনীন বা ব্যক্তিগত ভাবে অনুষ্ঠিত হয়।

সরস্বতী

শ্রী শ্রী সরস্বতী হচ্ছে ঈশ্বর জ্ঞানের মাতৃরূপ। তিনি রাজ হংস বাহনী বিদ্যাদেবী। হিন্দুশাস্ত্রে তিনি সৃষ্টিকর্তা ব্রহ্মার স্ত্রী বলে কথিত। তার গায়ের রং বরফের ন্যায় সাদা, পরনে সাদা শাড়ি, গলায় সাদা পুতির মালা এক হাতে কচ্ছপি নামের একটি বীণা অন্য হাতে রয়েছে পুস্তক। দেবতা শিব ও বিষ্ণু পর্যন্ত সরস্বতীকে শ্রদ্ধা করে থাকে। সরস্বতীর বর্ণনায় সাদা বর্ণের প্রাধান্য দেখা যায়। যা তার শুভ্রতার প্রতীক এবং স্বভাবে ও গুণের পরিচায়ক। হিন্দু ধর্মাবলম্বীদের বিশ্বাস জ্ঞানের এ দেবীর আশীর্বাদ লাভ করতে পারলে জ্ঞানী হওয়া যায়। তাই হিন্দু শিক্ষার্থীরা বিদ্যালাভের আশায় সরস্বতীর পূজার্চনা বেশী করে থাকে। সরস্বতী দেবীর পূজা হয় মাঘ মাসের শুক্লপক্ষের পঞ্চমী তিথিতে।

শিব ও পার্বতী

